

ბიზნისი

ნახ. პ. ლომიანი



ქრთანი ჯოჯოხეთს ანადგობს!..

19
1980



პანტანო ახვლედიანი

მეჩითაის მოლოგი

მე?!
 მე რომ მკითხონ?! —
 ყველა ბღენ-ძი-ას,
 ყველა ინ-ტრი-განს
 და პა-ტი-ო-სანს
 გამოვუთხრიდი
 ძირს!
 რადგან მათ გამო,
 მათ გამო რადგან,
 ამოსუნთქვაც კი
 ჭირს!

ცხოვრების ნირი,
 სიკეთე,
 გემო,
 განა იციან მათ?
 ცხოვრებას უნდა
 წაგლიჯო,
 ჭამო!
 კაცი ასეთი მწამს.

მე ქრთამის
 დამყვა
 დიდი

უნარი!
 სივრცე ხომ უნდა ნიჭს?!
 მომეცი სივრცე,
 სივრცე მომეცი!
 და მე
 გაჩვენებო ბიჭს!

იმ,
 იმ ბღენძიებს
 ძელს გავაკრავდი,
 მივაბრძანებდი
 იქ!
 არც თვითონ ჭამენ,
 არც შენ გაჭმევენ,
 ერთი, მე მაგათ
 ცხვირს!..

მე?!
 მე რომ მკითხონ?
 მე რას ვიზამდი?
 მაგრამ,
 ვინ მკითხავს,
 ვინ?!

ჭიმლა, კვირიწმინდა, კალოთანა, ღორღუ, მალოზანა, ოხერხევი, საბერწე, ფაფარენა, გარბანი, უკანასო, აჭეხა, მადრანი, ხორიელა, ღელე, ზენდათვისი, ლებაისკარი, ზე-ზეიჯე, გურო, საღუცე, ორწყალა, ხორუ, ჭეჭყეოი, აცეხი, მიცუსჭალა, ზენხახაბო, წუქიო...

ეს ტობონიმები თუ გაგიგონია, მკითხველო? ხეცსურული სოფლების სახელებია, იმ სოფლებისა, ოდესღაც რომ არსებობდა, შემდეგ დაცარიელდა და დღეს ნასოფლარად რომ იწოდება. სხვა სოფლებიც არის ამ მდგომარეობაში, ოღონდ ყველას ჩამოთვლა ძალიან შორს წაგვიყვანდა.

უყვარს ხეცსურს თავისი მიწა-წყალი, მაგრამ ჰაინც ბარში წამოვიდა მიზეზთა გამო სხვათა და სხვათა. თუ რაოდენ ვერ ეგუებიან ღვიძლი სოფლების დაცარიელებას, იქიდანა ჩანს, რომ ძეძუთა სისვე სოფლად იხსენიებენ, თუმცა იქ ორად ორი კაცი ცხოვრობს — ღრმად მოხუცი ცოლ-ქმარი. სანამ ეს ორი ადამიანი მაინც დაიორჩავს ძეძუთაში, არ უნდათ მას ნასოფლარი დაარქვან!..

არ არის იოლი, საერთოდ, ხეცსურეთის სოფლებში ცხოვრება! ეს საყოველთაოდ ცნობილია და ამაზე ლაპარაკით თავს არ შეგაწყენთ. ოღონდ ერთი კითხვა მინდა დაეხვას — რა მოხდა, რატომ ვუყურებთ ჩვენსავე მიწა-წყალს უცხოელი ტურისტის თვალით?

ახლაჩან ათი მშვენიერი სახლი აშენდა ვუდანში. რაც მართალია მართალია, ჭეშმარიტად კარგი და ლამაზი. მაგრამ ნათქვამია, მადლი ჭქმენ და მარილიც მოაყარეო! სამწუხაროდ, ეს მადლი აკლია ამ სახლებს.

ჯერ ერთი, ათიდან ერთი სახლი „ხატის ადგილზე“ აშენებული და შიგ ხეცსური არ შეეკ. როცა კეთილ საქმეს აკეთებ, ყველაფერი უნდა გაითვალისწინო. მათ შორის, ადგილობრივი ზნე და ჩვეულება! ყველაფერ ამას პატივისცემა უნდა!

მეორეც, გუდანში კი არა, ბევრ ქალაქშია მოუგვარებელი კანალიზაცია და როგორ მოიხმარონ გუდანელებმა იმ სახლებში მოწყობილი აბაზანები და ტუალეტი? ჰოდა, რაკი დანიშნულებისამებრ ვერ იყენებენ ამ „კეთილმოწყობილ“ აბაზანებსა და ტუალეტებს ბაგად გამოიყენეს. შიგ თივა ყრია, საქონელია დაბმული და არხინად იცოხნება. როცა ამგვარი სახლები იგეგმებოდა უპირველესად კანალიზაციაზეც უნდა ეფიქრაო!

მესამეც, გუდანი მწირი სოფელია. ადამიანს მარტო სახლი ხომ არ სჭირდება?! გუდანში სათიბიც ცოტაა, ქერიც ნაკლებად მოდის, არც კარტოფილია უხვად. იქნებ სჯობდა, ასეთი სახლები უფრო მოსავლიან სოფელში აგვეშენებინა?

მიუხედავად ამ შენიშვნებისა, იმ სახლების დამგეგმავო და ამგებთ მაინც დიდი მადლობა ეკუთვნით, რამეთუ კარგია, როცა ზრუნვა პრაქტიკული საქმით არის გამოხატული.

ზაფხულობით ბარისახოში უამრავი ხალხია — ტურისტები, მწყემსები, საქმიანი თუ უსაქმო მოგზაურები... მაგრამ ღამის გათევა ჭირს. ის პაწია, ძველი შენობა, რომელიც სასტუმროდ იწოდება, გაჭირვებით 10-12 კაცს აუ დაიტევს. დანარჩენი ხალხი კი ღია ცის ქვეშ ათეგს დამეს. რა მოხდა, რატომ გაგვიჭირდა ბარისახოში ერთი წესიერი სასტუმროს აშენება? კარგია, ბატონო, ხელისუფლებას სხვა მრავალი საჭირობო პრობლემა აქვს გადასაწყვეტი და ამ საკითხს ვეღარ მიხედა. ჩვენ რას ვაკეთებთ? ხომ ვარი ჩვენ ჩვენი ქვეყნის

კეკეა?

პატრონი? ნუთუ საქართველოს მდიდარ სოფლებს არ შეუძლიათ ცოტ-ცოტა თანხა, ცოტ-ცოტა სამშენებლო მასალა გადაღონ და საკუთარი ინიციატივით ბარისახოში ერთი კარგი სასტუმრო ააგონ? ჰაი, ჰაი, რომ ძაღლქო!

ამას წინათ ერთი ნაცნობი მიაშობდა: გურიაში, სოფელში ვიყავი, ქორწილში ვსტუმრობდიო. თურქე ათასი კაცი ყოფილა მიპატიჟებული. სუფრა რად ოფიცირებულა იყო და თამადა მიკროფონით ლაპარაკობდა.. ნათურები ხეებს მსხლელებით ესხა და ყველაფერი ჩირაღდანით ბღღვრიალებდა. პირდაღებულმა ვკითხე, რა დაუჯდებოდა-მეთქი ეს ქორწილი? მიპასუხა, 60 ათასი მანეთიო. თან დააყოლა: კი, ძალიან ძვირი დაუჯდა, მაგრამ შეიქმნავე არ იკითხავო? 120.000 მანეთი შექმოვიდა, ქორწილის ხარჯიც გაისტუმრა და ნახევარი კიდევ მოგებად დარჩაო.

დავიჯერო, ეს ადამიანები, რომელნიც ასე ხელგამღილილი ნადიმობენ, უარს იტყვიან ნებაყოფლობით გაიღონ ფული ბარისახოს სასტუმროს ასაშენებლად? დარწმუნებული ვარ, არავინ დაიხვეს უკან. ჰოდა, გურიაში გადახდილი სამი ქორწილის თანხა, ბარისახოს სასტუმროს კი არა, ვერსაღს ასშენებს, ოღონდ ადამიანებს მადლის ქმნა უნდა ვასწავლოთ, ღრმად გავაგებინოთ ანდაზის სიბრძნე-მადლი ჰქენი, ქვაზე დადე, გაიარე წინ დაგზავდა!

ხევსურეთის სხვა სოფლებზე არაფერს ვამბობ, ბარისახოც კი მოკლებულია ყოველგვარ კულტურულ მომსახურებას. თუმცა არის ერთი შენობა, რომელშიც მოთავსებულია სასოფლო საბჭოც, ბიბლიოთეკაც, შემნახველი სალაროც და... კულტურის სახლიც. აქ შეუძლებელია რაიმე კულტურული ღონისძიების ჩატარება, რაიმეთუ არ გაჩინია არაფერი ამისათვის აუცილებელი. ხანდახან ფილმებს აჩვენებენ, მაგრამ, ვაი ამ ჩვენებას! — ფილმს აღარც გამოსახულება აქვს შერჩენილი და აღარც ხმა, იმდენად ძველია. არც ამ „კულტურის“ სახლის კინოსადემონსტრაციო აპარატურა ვარგა.

ნუთუ ამ „კულტურის“ სახლის ოდნავ უკეთ მოწყობა არ შეიძლება?

ზაფხულობით ვის არ შეეყრებით ხევსურეთში! თბილისის უმაღლესი სასწავლებლის სტუდენტობასაც მრავლად ნახავთ. თუ ჰკითხავთ, რას აკეთებთო, ხევსურეთის ვათვალისაღიერებთო, ვიპასუხებენ, თან ალტაცებით: დაუმატებენ: რა დიდებულია, არა?!

ექიმებიც შეგვვდებათ. ისინიც გაბრწყინებული თვალებით მისჩერებიან ყველაფერს, მაგრამ არაქტიკულ დახმარებას თუ მოსთხოვ, აღმოჩნდება, რომ ექიმებს წნევის გამზომი აპარატიც კი არ წამოუღიათ. ისინიც მხოლოდ ათვალისაღიერებენ და იმიტირებენ.

მთელი სოფელი აღტაცებული შეხვდა ისტორიის მეცნიერებათა ერთ დოქტორს. ეგონათ, ლექციებს მაინც წავკითხავს, ახალ მოვლენებზე გვესაუბრებაო. გაეცონიათ? ხინკალს მიერთმევდა მადიანად და თან მასპინძლებს ეტრებახებოდა: „ვატიკანი გაგიგონიათ? ერთადერთი ქართული ვარ, რომელიც ვატიკანში ვიყავიო! რას იზამდა, ისიც დასათვალისაღიერებლად იყო ჩამოსული..“

ყველაზე სამწუხარო ის იყო ჩემთვის, რომ მეც დასათვალისაღიერებლად ვიყავი ჩასული.

კარგია დათვალისაღიერება. მართლაც დიდებული და თვალწარმტაცი სანახაობაა, რაც ბუნებას შეუქმნია, ოღონდ ყველაფერს ადამიანის ხელიც უნდა დაეხმოს!

ამან დამაფიქრა და მტკივნეული კითხვა გაძიხანა — სანამდე უნდა ვათვალისაღიეროთ ჩვენივე მამული?!

აკაკი ბაქრაძე

ნ.ბ. აბაშვილისა



— ნემსი და ქაფი მომიტანე, რომ დაგიკარო?!
— არც ერთ მალაზიაში არ იყო, წვრილმან სა-
ქონელს არ ვიღებთო, მითხრას!

სიღვრიან თქვა

ლალი მარტაშვილი

არ ვიცი, ხალხნო, თავს როგორ ვუშველო, რა მოვაგვარო და როგორ: ძლივს ღმერთმა გადმომხედა, მეღირსა სასიძო და ძლივს გაეთხოვე გოგო!..

გაეთხოვე გოგო და სიძეს გავატანე (კარიელი, ესე იგი, უმზითვო!.. სიძემ არა თქვა რა, ვენაცვალე! აბა, რას იტყოდა? აიტანა უსიტყვოდ!..

სიძემ რა უნდა თქვას, სიძე ჩვენია, მე მძახლებსა მრცხვენია!.. ამბობენ, მზითვეი ასი წლისაო ესე იგი, ას წელს უნდა აგროვო!

მე კი: რად მინდა, ვფიქრობდი, მზითვი წინასწარ დავაგროვო?! ვაითუ, ვერ ვიშოვო სასიძო?! ვაი თუ, გამიუქმდეს სამზითვო?!


ვაი თუ, ვიწვნიო-მეთქი ზარალი?! (კაი სიძის შოვნა ადვილი არ არი!)

გავალ-მეთქი, ვფიქრობდი, ერთ დღეში ვიყიდი ყველაფერს! როგორ ვიფიქრებდი, გავიდოდი და ვერ ვიშოვიდი ვერაფერს?!

მაკრატელი, ნემსი და ქაფი არ იყო!.. ზეწარი, ფეხიჩითი, ნაალისპირი არ იყო!.. სუფრა, პირსახოცი, საპერანგე და სხვა „წვრილმანი“ არ იყო!..

რა ვქნა, რა ვუყო ჩემს საწყალ მარიკოს?!

წავალ, ვიპოვი გადამყიდველს სადმე, მალაზიის კუთხეში, მივცემ ყველაფერში ხუთმაგს და და ყველაფერს მიშოვის ხუთ დღეში!..



პირველი ჯგუფის ინვალიდები

ნიანგის გოპონიშიკური ლექსიკონი

ვერე — მდინარე თრიალეთის ქედის აღმოსავლეთ კალთაზე. საზრდოობს თოვლის, წვიმისა და... კანალიზაციის წყლით. წყალდიდობა იცის გაზაფხულზე, წყალმცირობა — ზაფხულსა და ზამთარში; წყალწითლობა, წყალყვითლობა და წყალშავობა — იმისდა მიხედვით, რა ფერის საღებავებს ჩაუშვებენ შიგ ბაგების ტყავსაგალანტერიო ფაბრიკის მესვეურები.

მთავარი შენაკადებია: ლასტისციხისხევი, ვენახევისხევი, ბეთანიის წყალი (ინტერნატის კანალიზაციითურთ), წყნეთის, ბაგების, ვაკისა და საბურთალოს კანალიზაციები.

აღრე გამოიყენებოდა სასმელად სარწყავად, საბანაოდ, სათევზაოდ. ახლა გამოიყენება სანაგვედ. ვერეს ნაპირებზე ვირთხებიც და კოლოებიც შესანიშნავად გრძნობენ თავს.

გაბინძურებული ვერე თბილისის ფარგლებში ერთვის მასსავით გაბინძურებულ მტკვარს.

ლექსიკოგრაფი ნ. იოსებიძე

აკორეგიური უჩაუბი

- ბუნებაში არაფერი არ ქრება... თვით ბუნების გარდა.
- მოვბ დრო და ადამიანი დაიწყებს ოაზისების მოსპობას, რათა უდაბნოს ნაგლეჯი მანც შეინარჩუნოს.
- შეიძლება თუ არა ავდარი ჩავთვალოთ კარგ ამინდად, თუ იგი სწორად არის წინასწარნამეტყველები?
- თუ საკუთარ თავში მხეცის მოკვლას მოინდომებ, კარგად შეამოწმე, ხომ არ არის იგი შეტანილი „წითელ წიგნში“.

„ლიტერატურაშია გაჯეტა“

ბავშვობაში პარასკეობით იყო ხოლმე ჩვენში ბავშობა (უცნობი ურნალისტი, ეტყობა, ლისხგადადღეობა. რედ.). კახელი სტუმარი მენჯია და ბავშვში წავედი თუშური ყველისათვის. ძველი კურსით 100 მანეთი დამიფასეს კილო გულის ყველი. გამბურძნა ტანში და თევზის გამეღველს გულის მოსაოხებლად შევჩივლე, რა მამასისხლად ყიდიან-მეთქი! გგონია, რო ყველა კერძო ყველია, — მეუბნება მეთევზე, რომელსაც დახლზე უწყვიან: მოივა შეყინული, მოივა შებოლილი და მოივა დაკონსერვებული. აბა, მაღაზიის ყველია-მეთქი?! — გავიციე. არა, პირდაპირ ფერმიდან გამოაქვთ „ლევად“, საკოლმეურნეო ბავშვზე კილოს ათ მანეთად ყიდიან, ხუთს თვითონ იტოვებენ, სამს ფერმაში იფიბავენ, ორს კიდევ მთავრობას უნადღებენ. აგერ სამი წელია.

თუ მართლა ასეა, ეს კაცი თევზს კი არ უნდა ყიდდეს, პროკურატურაში უნდა ეჯდეთ გამომძიებლად!

1979 წ., 16 სექტ.

მართალია, გყის დღეა, მაგრამ შინ დავჯექი და კითხვას მივყვიხელი. ერთ გაზეთში ერთ კრიტიკოსს ერთ მწერალზე (საკმაოდ ცნობილზე!) ერთი სტატია გაეშანშალეძინა. ისეთი საოცარი აბდაუბდა იშვიათია, ალბათ, ბუნებაში. კრიტიკოსი წერს: „რომანის ლაბირინთებში სულის ამოთქმის საშუალებას ვეღარც ის ურთადერთი, მაგრამ ამავე დროს, პრაქტიკულ მნიშვნელობას უდაოდ მოკლებული თითქმის ჰიპერტროფირებული გრძნობის მაგარბეული დადებითი გმირი იძლევა, რომელიც თავისთავად უნდა იგულისხმებოდეს იმ მოთხოვნილებათა (მხაგრული აქსესუარების თავისებურებათა) გამოყენების შემთხვევაში, რომლებიც, შესაძლოა კიდევაც გვაგონებდნენ ბალღობიდანვე ჩვენთვის კარგად ნაცნობი ივანე კარამაზოვის მხაგრულად სრულქმნილ სახეს, მაგრამ მაინც...“

ამ გაზეთს, მკითხველის გარდა, არც რედაქტორი ჰყავს, არც ლიტმუშაკი და არც კორექტორი?!

რადეპსიისაგან: სხვათა შორის, მეგობრებო, პუბლიკაციის ავტორს კიდევ ერთი ბარათი მიუღია. მართალია, კვლავ ხელმოუწერელი, მაგრამ უდავოდ პატიოსანი მოქალაქის (ამჯერად დიასანლისის) გამოგზავნილი. აი ისიც:

„უღრმესად პატივსმელო ახსანაგო!!!“

წარმოუდგენლად დიდ საქმეს აკეთებთ იმ უცნობი ურნალისტის ჩანაწერების გამოქვეყნებით. ზოგიერთ, უკაცრავად პასუხია, ხელმრუდღე ლიტერატორს შეეძლო ეს ჩანაწერები თავისად გაესაღებინა. მანაგიებთ, რასაკვირველია!

დიან, იცოდეთ, რომ, როგორც მე, ასევე ჩემი დიდი. მრავალშვილიანი ოჯახის თითოეული წევრი, აღშფოთებას ვერ ვმაღავდით, როდესაც მეათე ნომერ „ნიანგში“ ვინდაც დევენერატ ჩაჩიბერიძის მიერ თქვენდამი გამოგზავნილ წერილს ვკითხულობდით. მაინც როგორ გაგიბედათ ისეთი შეურაცხმყოფელი წერილის მოწერა იმ ჩარჩმა და ფულის მუსუსმა, იმ სინდის-ნამუსზე ხელაღებულმა, იმან! სხვათა შორის მჯერა, რომ იგი ასეთ ბილნ ქმედობას ვერ შემოგთავაზებდათ, ყველა ჩვენგანი რომ მოწოდების სიმაღლეზე ვიდგეთ! რაღა საკვირველია, თქვენ არ მყავნართ მხედველობაში.

არც ერთი კაპიკი არავისგან — აი დევიზი, რომელსაც სადღეისოდ ყველა პატიოსანი მოქალაქე უნდა იცავდეს!

ჩემი და ჩემი დიდი, მრავალშვილიანი ოჯახის თითოეული წევრის სახელით უღრმეს მადლობას მოგახსენებთ იმ ნაძირალას წერილის გამოგზავრებისათვის! დაე, ყველამ იცოდეს, ვინცა ჩაჩიბერიძე!!!

იცოცხლეთ და იბედნიერეთ! გისურვებდით, კვლავაც მრავალი და მრავალი არაწმინდა გამოგმზურებინოთ. თუ, რასაკვირველია, თქვენს გადაბირებას შეეცდებიან ისეთი დამამცირებელი და შეურაცხმყოფელი საშუალებით, როგორც არის ფულადი ქრთამი!

ყველა არამზადმ ერთხელ და სამუდამოდ უნდა შეიგნოს რომ ჩვენ აღარ ვხუმრობთ! აქ მხოლოდ წერილის ავტორი იგულისხმება, რასაკვირველია!! (რედ.).



ნახ. ა. პარაძისა

უსიტყვოდ

ქალი იყო თვრამეტის, კაცი — ოც-დათექვსმეტის. ისინი არ იცნობდნენ ერთმანეთს. არა თუ არ იცნობდნენ, იმ დღემდე ერთმანეთის არსებობაზე წარმოდგენაც არ ჰქონდათ, მაგრამ ბედის სამოსელში გამოწყობილმა განგებამ მათი გაცნობა და დაახლოება ინება...

შეთხელვებულ-შეთეთრებული თმების მიუხედავად, კაცი ჯერ კიდევ პერსპექტიულ სასიძოდ ითვლებოდა ქალაქის პირველად გასათხოვარ ქალთა ოჯახებშიც კი.

ოჯახისერთა ქალი ბუნებას მზრუნველი დედით და ფულიანი მამით დაეჯილდობინა. ზაფხულის მოსვლამ ფართო ცისფერ თვალელებში ადვილად შესამჩნევი სევდა ჩაუსახლა. ბოლო დროს იშვიათად გაიციინებდა ხოლმე. ცხადი იყო — 18 წლის ქალს თავისი ასაკის შესაფერი საფიქრალი გასჩენოდა. 18 წელი!.. ისე, ჩვენც გამოგვიცდია, მაგრამ მაინც არ ვეთანხმებით პოეტს, რომ ამბობს, ცხოვრებაში ერთხელ დგება 18 წელიო! გეგონება 19 დგებოდეს ორჯერ!

ივლისის ერთ საღამოს ქალმა დარდი გაუმხილა დედას: ერთი კაცის გაცნობა და მასთან დაახლოება მსურს, თანაც სასწრაფოდ.

დედამ ჩუმად ამოიხრა... არადა, რას გაიხარებს მთელი ოჯახი, ეს საქმე რომ გამოვიდეს? ერთ კვირას არ აშლიან სუფრას!..

არა, ჩემი შვილი ნამდვილად ღირსია, ოღონდ იმ კაცმა არ თქვას უარი! დედა ენაცვალოს, აგერ უკვე 18 წლისაა და ერთი ღერი სიგარეტი არ მოუწევია, სხვებზე არც არაყ-კონიაკზე გიჟდება მაინცდამაინც!..

მივალ, კაცის დედას მოველაპარაკებო, აფუხსნი როგორ იტანჯება ჩემი ერთადერთი ქალიშვილი, ვთხოვ, გამოიგებს... ვეფხვის თუ დათვის დედამ გაუგო მოყმის დედას და... მით უმეტეს, რომ ერთი რაიონიდან ვართ და საერთო ნაცნობებიც ბევრი გვყავს...

დედამ შვილი დაამშვიდა და იმ კაცის სახლისაკენ გაემართა. გული გამალეებით უცემდა...

ვაყის დედამ ყურადღებით მოუსმინა.

— მე შევდივარ თქვენს მდგომარეობაში, — უთხრა მან, ვიდრე მისი შვილი მეორე ოთახიდან გამოვიდოდა, — ყველაფერი ძალიან კარგად მესმის, მაგრამ ძალას ვერ დავატან, დღევანდელი ახალგაზრდები ისედაც დამოუკიდებლები არიან და იმ საკითხებზე, რომლებიც მხოლოდ მათ ეხებათ, არავის ყურს არ უგდებენ! არადა, ვერც ვამტყუნებს კაცი: თუ ყველაფერი კარგად დაბოლოვდა, ხომ კარგი, თუ არადა არავინ იცის რა მოგველის! ნერვების აშლა და პანაშვილობია არ გამოგველევა და, ბოლოს, რას იტყვის საზოგადოება? ათასნაირ კუდებს გამოაბამენ, ასეო და ისეო თქვენს ახალგაზრდა ქალსაც, მოგეხსენებათ, დიდი დიდი დაჩნდება, 18 წლის ასაკში დაკოდილი გული ვინ იცის, როლის გამართლებება?! — ქალური ლოგიკა ზეიმობდა.

ვაჟმაც ყურადღებით მოუსმინა ქალის დედას. ცოტა უხერხულობას კი გრძნობდა: ასეთ სიტუაციაში პირველად აღმოჩნდა. „რა ლამაზია და როგორ კარგადაა შენახული! ეტყობა, ყურადღებით უვლის თავს. ვინ იტყვის, რომ მას გასათხოვარი



წლებანდელი მხურვალე ივლისი

ქალიშვილი ჰყავს?“ — ვაჟმა ახლა შეამჩნია, რომ ზედიზედ მეორე სიგარეტი დაიყვანა ყუაზე. ბოლოს თითები ნერვულად აათამაშა მაგიდაზე. იქნებ ესეც ჩემი ბედიაო, — გაიფიქრა და... დათანხმდა.

— ოღონდ თქვენ არ გეწყინოთ და ცალკე უნდა შევხვდე თქვენს ქალიშვილს, საბოლოო სიტყვასაც იმას ვეტყვი, სანამ ჯერ არაფერი მომხდარა, არ მინდა ვინმემ ერთად დავგინახოს! — და საპაემოდ ისეთი უკაცური და დაბურული ადგილი დაუნიშნა, ქალის დედას გული გადაუქანდა...

მაშ, კაცი დათანხმდა!.. დათანხმდა და იგი ხვალ შეხვდება მას, თანაც მარტოდმარტო!

დალამდა თუ არა, ქალი შეხვედრის

ადგილისაკენ ვაეშურა, გულს ბაგაბუვი გაჰქონდა. ჩაბნელებულ ხეივანში რომ შევიდა, ცოტა შეშინდა კიდევ, მაგრამ თავს ძალა დაატანა. „საშიში არაფერია!“ — გაიფიქრა მან, — „ვაჟმა აქვე, ხეივნის ბოლოს მელოდებოდა...“

ვაჟმა ნაძვის ტოტებით დაბურულ სკამზე მიუთითა, ჩამოვჯდეთო. მის ხმაში მამრის სიმტკიცე იგრძნობოდა და ქალიც უსიტყვოდ დაემორჩილა...

უხერხული დუმილი ჩამოვარდა, კაცმა სიგარეტი ამოიღო და თავისდაუნებურად (იქნებ გამოსაცდელადაც) ქალსაც გაუწოდა.

— რას ბრძანებთ?! არ ვეწევი! — გალიმება სცადა ქალმა.

ვაჟს მოეწონა ქალის პასუხი და უფრო ახლო მიიწია მისკენ. ქალმა უკვე ვაყის ცხელი სუნთქვა იგრძნო ლოყაზე...

— იცით რა? მე ბევრი ვიფიქრე დედათქვენის წასვლის შემდეგ, — ვაყის ხმას ოდნავი კანკალი დაეტყო, — და გადავწყვიტე... დიახ... მე თანახმა ვარ!.. — იგი სწრაფად დაიხარა ქალიშვილისაკენ და რბილი, ხვეწილოვანი ხმით ჩასჩურჩულა: — დიახ, თანახმა ვარ და ენდეთ ჩემს კაცურ სიტყვას, არ გილატებთ!..

ქალმა სიხარულისაგან აღარ იცოდა, რა ექნა! როგორც ექნა, ელირსა, ელირსა ნანატრ სიტყვებს!.. უცებ მოუნდა, წამომხტარიყო და ხმამალა ეყვირა, თუ რა ბედნიერი იყო, ისიც კი გაიფიქრა, გადახვეოდა, გულში ჩაკვროდა კაცს, რომელმაც გაუგო მას და მზადა მის გასაბედნიერებლად...

— დიახ, — განაგრძო კაცმა, — წარმოიდგინეთ, თითქოს სტუდენტობის დროს გელოთ, ოღონდ ხუთი ათასი მანეთია საჭირო თითო საგანში! მე მგონია, ძვირი არ უნდა იყოს! თქვენ რას იტყვით?

ქალმა ნეტარებით დახუჭა თვალები — ასეთ თბილისურ საღამოს ზოგჯერ უფრო მეტი ფასი აქვს!..

თეიმურაზ ბრძენიძე


„ნიანგის“ განმარტება

ჩვენს ქორნალის 1980 წლის მე-17 ნომერში გამოქვეყნებულ ნიკო კანკიანის კრიტიკულ ჩანახატებს — „მთასა და ბარში მოხეტიალის რვეულიდან“ — უნდა ეწეროს თარიღი — 1971 წელი.



ნ.ბ. შირცხალაშვილი

ვერა და ვერ გაათხოვეს ეს გოგო!
— ჩატკონ მანქანაში და ევაბა მანქანისადა მოიტაცონ!



ნ.ბ. ლ. ნასრომიძის



მოსამართავი თოჯინები და ქია სემის ერთი ოქროს გასაღები

(„კოკოდლი“)

КОНТРОЛЬНЫЕ
ДОКУМЕНТЫ

სანიშნო სარკისი

ეს ამბავი ივლისის ბოლოს მოხდა. „ნიუ-იორკის ორგანიზებული მეძავეების“ პროფესიული კავშირის თავმჯდომარემ აირის დე ლა კრუზმა ნიუ-იორკის „ზნების პოლიციიდან“ შეკითხვა მიიღო:

„ამ ბოლო დროს ვამჩნევთ, რომ ქუჩებში იმატა „ქალიშვილების“ რიცხვმა და ბევრი მათგანი ჩვენთვის უცნობია. რაშია საქმე?“

დე ლა კრუზმა უპასუხა: „11 აგვისტოს იწყება დემოკრატია ყრილობა. ამასთან დაკავშირებით „ქალიშვილებმაც“ არ დააყოვნეს ჩამოსვლა. ჩვენ მათთან კონტაქტი დავამყარეთ და შევთანხმდით, რომ პარტიული ყრილობის დროს ჩვენს ფასებს 40 პროცენტით გავზრდით. ორივე პარტიის პოლიტიკური მოღვაწენი არა მარტო უაღრესი ვნებიანობით, ხელგაშლილობითაც გამოირჩევიან.“

„კი მაგრამ, საიდან ჩამოვიდნენ „ქალიშვილები?“ — დაინტერესდა პოლიცია.

„რესპუბლიკელთა პარტიის ყრილობიდან!“. — იყო პასუხი.

„ნოვოა ვრეშია“



სატირისა და იუმორის
ქართული „ნიანგი“
№ 19 (1581) თებერვალი
ბამოლის 1923 წ. იხსნილან.

მთავარი რედაქტორი ზაურ გოლქვაძე

სარედაქციო
კოლეგია:

ზაზუა ამირაჯიბი
ნოზალი ბართია
გორის გურგულია
ნოდარ ლუშაბაძე
რეზა თვარაძე
ჯემალ ლოლუა
ნოდარ მალაზონია
(მხატვარი-რედაქტორი)

გუგან სინარულიძე
(პასუხისმგებელი მდივანი)
ალექსანდრე სამსონია
გიგლა ფირცხალავა
ჯანსუღ ჩარაქიანი
თამაზ წიფიშვილი
ვაჟა ხანიშვილი
(მთავარი რედ. მოადგილე)

ნაფი ჯუსოთი

ტექნიკური რედაქტორი
მინილ კუსალაშვილი

გადაცვა ასაწყობად
2. 09. 80 წ.

ხელმოწერილია დასაბეჭდად
21. 10. 80 წ.

ქალაქის ზომა 70x108 1/2
ფიზიკური ნაბეჭდი
ფურცელი 2
სააღრიცხვო-საბამომცემლო
თაბახი 1,7

საქართველოს კვ ცკ-ის
გამომცემლობა,
ლენინის ქ. № 14,
შეკვეთა № 2282. უფ 00713.
შეკვეთა № 2383. უფ 00725.
ქურნალი გამოდის
ოცეში ორჯერ.
რედაქციაში შემოსული
მასალები ავტორებს
არ უბრუნდებათ.

ჩ ვ ე ნ ი მ ი ს ა მ ა რ თ ი:
380008, თბილისი-8, რუსთაველის
პროსპექტი, № 42.

ტ მ ლ ე ფ ო ნ ე ბ ა ი: მთავარი
რედაქტორის — 93-62-04, მთ.
რედ. მოადგილის — 93-19-42,
პ/მგ მდივნის — 93-10-78, მხა-
ტვარი-რედაქტორის — 99-02-38,
განყოფილებათა გამგებების —
93-49-32, რედაქტორ-ლიტმუშაკე-
ბის — 99-02-38, მდივანი-მემან-
ქანის — 99-76-69.

სატირიკო-იუმორისტისკი
ჟურნალ „ნიანგი“
(На грузинском языке)
Тбилиси, пр. Руставели № 42.
Издательство ЦК КП Грузии
Типография Издательства ЦК
КП Грузии, Тбилиси, ул. Ле-
нина № 14.
ფასი 20 კაპიკი
იხსნილი 76137